

Dumonda Hitz-Rusch concernent la promoziun e l'integraziun da personas autistas en il chantun Grischun

En sia sesida dals 17 d'october 2018 ha il cussegl federal deliberà in rapport che prevesa differentas mesiras per integrar personas che han in disturbi d'autissem. Per quai ha el fixà trais puncts centrals: constataziun a temp e diagnostica, cussegliaziun e coordinaziun sco er intervenziun a temp. Cun ina coordinaziun rinforzada duain ultra da quai vegnir impundids meglier ils meds finanzials.

Il rapport dal cussegl federal constatescha per la confederaziun, per ils chantuns e per ils furniturs da prestaziuns per tge ch'els èn cumpetents en emprima lingia e tge mesiras ch'els duain realisar. El envida ils chantuns, las vischnancas e tut ils acturs pertutgads da far ina preschentaziun generala da la situaziun odierna e da far avanzar la realisaziun da mesiras concretas a maun dal rapport menziunà qua surwart.

Las sutsegnadras ed ils sutsegnaders supplitgeschan perquai la regenza da responder las suandantas dumondas:

1. Ha il chantun Grischun enconuschientschas da quest rapport ed è il chantun Grischun eventualmain gia vegnì contactà dal departament federal da l'intern (DFI) en questa chaussa?
2. È il chantun Grischun pront da suandar ils giavischs dal cussegl federal e da far ina preschentaziun generala da questa tematica?
3. È il chantun Grischun pront da prender las mesiras ch'èn necessarias per ademplir il basegn che resulta dals trais puncts centrals menziunads?

Cuira, ils 4 da december 2018

Hitz-Rusch, Märchy-Caduff, Zanetti (Sent), Alig, Atanes, Berther, Berweger, Bettinaglio, Bigliel, Bondolfi, Brandenburger, Brunold, Buchli-Mannhart, Cahenzli-Philipp, Caluori, Casutt-Derungs, Cavegn, Caviezel (Cuira), Caviezel (Tavau Clavadel), Censi, Clalüna, Claus, Cramer, Danuser, Degiacomi, Della Cà, Deplazes (Cuira), Deplazes (Rabius), Derungs, Dürler, Ellemunter, Engler, Epp, Fasani, Favre Accola, Felix, Florin-Caluori, Flütsch, Föhn, Gasser, Giacomelli, Gort, Gugelmann, Hardegger, Hartmann-Conrad, Hofmann, Holzinger-Loretz, Horrer, Hug, Jenny, Jochum, Kappeler, Kasper, Kienz, Kohler, Kunfermann, Kunz (Fläsch), Lamprecht, Locher Benguerel, Loepfe, Maissen, Marti, Michael (Donat), Michael (Castasegna), Mittner, Müller (Susch), Müller (Favugn), Natter, Niggli (Samedan), Niggli-Mathis (Grüsch), Noi-Togni, Paterlini, Perl, Pfäffli, Preisig, Rettich, Rüegg, Rutishauser, Schmid, Schneider, Schutz, Schwärzel, Stiffler, Tanner, Thomann-Frank, Thöny, Thür-Suter, Tomaschett (Breil), Tomaschett-Berther (Trun), Ulber, von Ballmoos, Waidacher, Weidmann, Wellig, Widmer (Favugn), Widmer-Spreiter (Cuira), Wieland, Wilhelm, Zanetti (Landquart), Brändli Capaul, Bürgi-Büchel, Decurtins-Jermann, Gujan-Dönier, Spadarotto